

ՆՈՐ ԳՐՔԵՐ

(ՀՍՍՀ գիտությունների ակադեմիայի հրատարակություն)

«ԿՈՄԻՏԱՍՍԿԱՆ» — 1969 թ., տպա-
քանակը՝ 5000, 280 էջ:

Անմահ Կոմիտասի ծննդյան հարյու-
րամյակի առթիվ գիտությունների ակա-
դեմիայի արվեստի ինստիտուտը լույս է
ընծայել «Կոմիտասական» Ա հատորը,
որով սկիզբ է դրվում նրա ժառանգության
առանձին հարցերին նվիրված գիտական
ուսումնասիրությունների հրապարակ-
մանը:

Ժողովածուն բացվում է Ռոբերտ Աթա-
յանի «Կոմիտասի երաժշտական ժառան-
գությունը» ընդարձակ հոդվածով, որտեղ
հեղինակը մեծ երաժշտագետի ժառանգու-
թյան պատմական և արդիական, գեղար-
վեստական ու դիտական նշանակության
գնահատությունը տալուց հետո, ներկա-
յացնում է նրա՝ պահպանված կամ մինչև
այժմ հայտնաբերված երաժշտական ըս-
տեղծագործությունները և ընդգծում, որ
մինչև այսօր հայտնի դարձած այդ երգե-
րի թիվը հասնում է 200-ի, իսկ եթե
նկատի առնենք նաև ինքնուրույն արժեք
ներկայացնող 130-ից ավելի տարբերակ-
ները, ապա ակնհայտ կդառնա, որ այդ
երգերը բավական պատկառելի թիվ են
կազմում:

Կոմիտասի ոճը և քսաներորդ դարի
արածշտությունը, այսպես է վերնագրված
Գևորգ Գյուդակյանի հոդվածը, որտեղ
հանգամանորեն խոսվում է Կոմիտասի
նոր ոճական սկզբունքների յուրահատկու-
թյունների մասին:

Ապա տեղավորված են Ռաֆայել Ստե-
փանյանի «Կլիմտակորդներն ու կվարտա-
կորդները Կոմիտասի ստեղծագործության
մեջ», Աննա Ամբակունյանի «Կոմիտասի

դաշնամուրային պարերի մեկնաբանման
հարցի շուրջը», Նիկողայոս Թաթևիզյանի
«Կոմիտասը և հայոց հոգևոր երգարվեստի
ուսումնասիրության հարցերը», Մաթևոս
Մուրադյանի երկու՝ «Եկմայանի պատա-
րագը Կոմիտասի գնահատությամբ» և
«Ազգային երաժշտական ուժերի պատ-
րաստման կոմիտայան ծրագրերը» հոդ-
վածները:

Հետաքրքիր են ժողովածուի վերջում
ներկայացվող, Կոմիտասի աշակերտ՝ Միհ-
րան Թումանյանի և ֆրանսիացի հայտնի
երաժշտագետ Պյեր Օբրիի հուշերը:

Հատորի խմբագիրն է արվեստագիտու-
թյան թեկնածու Ռոբերտ Աթայանը:

ՆՈՒՇԱՆԻԿ ՆԱԶԱՐՅԱՆ — «Պետրոս
Ղափանցի», 1969 թ., տպաքանա-
կը՝ 1000, 442 էջ:

Հայ ժողովրդի պատմությունը հարուստ
է ազատագրական պայքարի հերոսական
դրվագներով: XVIII դարն առանձնահա-
տուկ տեղ ունի այդ առումով: Այս դա-
րում է ձևավորվել հայ ազգային, քաղա-
քական քնարերգությունը, որի ամենա-
տաղանդավոր ներկայացուցիչը Պետրոս
Ղափանցին է: Նա կրոնա-քաղաքական,
կրոնա-հայրենասիրական բանաստեղծու-
թյուններից բացի ստեղծել է նաև ժողո-
վրդա-ազատագրական գաղափարախո-
սությամբ տոգորված բարձրարվեստ
քնարական բանաստեղծությունների մի
ամբողջ շարք, որոնց ուսումնասիրությանն
էլ նվիրված է բանասիրական գիտություն-
ների թեկնածու Ծուշանիկ Նազարյանի
այս մենագրությունը: Հեղինակն արժեքա-
վորում է Ղափանցու գրական վաստա-

կը, ցույց տալիս նրա տեղը հայ քնարերգության պատմության մեջ:

Գիրքը բաղկացած է երեք մասից՝ Ուսումնասիրություն, Բնագիր և Ծանոթագրություններ: Առաջին բաժնում խոսվում է Պ. Ղափանցու կյանքի, ստեղծագործության, բանաստեղծությունների արվեստի, *XVIII* դարի գրավոր գրաբար բանաստեղծության տեսության և այլ հարցերի մասին: Բնագրերի համար ձևված է հանդիսացել Պ. Ղափանցու 1772 թ. Կոստանդնուպոլսում տպագրված «Գրքոյկ կոչեցեալ երգարան» բանաստեղծությունների ժողովածուն: Ծանոթագրություններ բաժնում նշվում են ընդօրինակված կամ տպագրված երգի աղբյուրը, ժամանակը, էջը, տարբերակները և այլն:

Գրքում ներկայացվում է նաև Պ. Ղափանցու երեք երգի մեծ հասած ձայնագրությունները, որոնք ձրատարակության է պատրաստել երաժշտագետ Ն. Թաթևիզյանը:

Աշխատությունը խմբագրել են Ա. Մ. Ինճիկյանը և Օ. Ս. Եզանյանը:

Վ. Ա. *ԲԱՅԲՈՒՐԴՅԱՆ* — «Նոր Զուղայի հայկական գաղութը *XVII* դարում», 1969 թ., տպաքանակը՝ 1000, 168 էջ:

Գրքում, որ լույս է տեսել ռուսերեն լեզվով, լուսաբանվում է իրանահայ գաղութի խոշորագույն գաղթօջախներից մեկի՝ Նոր Զուղայի *XVII* դարի պատմությունը: Ցույց է տրվում, որ *XVII* դարում Իրանի արտաքին առևտրի մեծաշնորհը պատկանում էր Նոր Զուղայի հայ վաճառականներին: Դա տեղիք էր տալիս սուր պայքարի և մրցակցության հայ վաճառականների ու եվրոպական առևտրական ընկերությունների միջև, որոնք հետևողականորեն աշխատում էին Իրանը վերածել իրենց արդյունաբերական ապրանքների ուսումնասիրման և հումքի արտահանման աղբյուրի: Հայ վաճառականների պայքարը օտարերկրյա կապիտալի դեմ ունենում է այն հետևանքը, որ խափան-

վում են եվրոպական գաղութարարների առաջին քայլերը Իրան ներթափանցելու գործում:

Աշխատությունում քննարկվում են նաև իրանահայ վաճառականների դերը Սեֆյան պետության ու եվրոպական երկրների միջև դիվանագիտական հարաբերություններ հաստատելու և հատկապես այդ երկրների ու Իրանի միջև հակաթուրքական ռազմական դաշինք կնքելու հարցերը:

Հատուկ գլուխ է հատկացված *XVII* դարի իրանա-ռուսական առևտրական քաղաքական կապերի պատմությանը: Այստեղ ցույց է տրվում, որ Նոր Զուղայի վաճառականները ոչ միայն նպաստել են ռուս-իրանական տնտեսական կապերի աշխուժմանը, այլև քաղաքական հարաբերությունների սերտացմանը: Միաժամանակ նրանք որոշակի դեր են խաղացել հայ ժողովրդի ռուսական օրինենտացիայի ձևավորման գործում:

Գրքում հանգամանորեն բացահայտվում է եվրոպական կաթոլիկ միսիոներների և վատիկանի գործունեությունը Իրանում և հատկապես Նոր Զուղայում, որոնք իրենց «եղբայրակից-քրիստոնյաներին» հովանավորելու պատրվակի տակ աշխատում էին ապահովել եվրոպական առևտրական բուրժուազիայի շահերը Իրանում:

Կ. Ա. *ԼԱԼԱՅԱՆ, Ս. Ս. ՄԱՄՅԱՆ* — «Դիտավորյալ սպանություններ», 1970 թ., տպաքանակը՝ 2000, 277 էջ:

Աշխատության մեջ քրեական օրենսդրության վերլուծության և դատական պրակտիկայի նյութերի ուսումնասիրության հիման վրա լուսաբանվում են դիտավորյալ սպանությունների համար քրեական պատասխանատվության հիմնական հարցերը:

Հատուկ բաժին է հատկացված պայքարի այն միջոցների ուսումնասիրմանը, որոնք ապահովում են անձի բազմակողմանի պաշտպանությունը հանցավոր ոտնձգություններից: